

Dominau a Samignun

Dus Sursilvans han dominau el slalom special dil cup grischun

■ (anr/gv) Yannick Caduff da Falera ei sin buna via el cader dalla Svizra orientala. Dapi onns rimna el victorias sco auters bulius. La davosa fin d'jamna ei quei stau nuot auter a Samignun.

En dus slaloms specials ha el schau ses concurrents per total bunamein siat secundas e dapli davos el. El slalom da notg il venderdis sera havessen ils organisaturs stuiu stizzar ils reflectaders per evitar la victoria dil scolar dalla Scola da talents a Glion. Aschi dominants ei il buob da Falera daventaus siatavel, el slalom gigant eis ei buc iu schi bein ed el ha stuiu secuntentar cul 25avel rang. Allas concurrenzas internaziunalas ei era Tgasper Darms da Flond partecipas.

A Samignun ha era Fadri Janutin da Sursaiusa brigliau. Il buob da 14 onns ha gudignau omisdus slaloms specials, era el cun il grond avantatg da total tschun secundas e dapli.

Slalom da notg

Buobas U14:

1. Melanie Michel, Tavau, 1.18.49; 2. Jasmin Lietha, Fideris, 1.20.19; 3. Selina Egloff, Scuol, 1.22.44; Plinavon: 5. Kim Manetsch, Mustér, 1.24.08; 13. Tamara de Antoni, Sursaiusa, 1.33.36.



Yannick Caduff da Falera (enamiez) ha gudignau a Samignun dus slaloms specials cuagl avantatg total da bunamein siat secundas. Seniestier Lukas Zippert d'Arosa e dretg Carvalho André Castro da Puntraschigna.

1.19.02; 12. Yanik Tschuur, Sursaiusa, 1.19.81; 16. Matteo Arpagaus, Ruschein, 1.23.34; 17. Simon Winzap, Sursaiusa, 1.23.61; 18. Mike Winzap, Sursaiusa, 1.24.04.

Slalom special

Buobas U14:

1. Jasmin Lietha, Fideris, 1.16.00; 2. Domenica Mosca, Scuol, 1.18.09; 3. Selina Egloff, Scuol, 1.18.90; Plinavon: 6. Kim Manetsch, Mustér, 1.19.62; 12. Bianca Flüttsch, Arena, 1.24.32; 14. Tamara de Antoni, Sursaiusa, 1.25.76.

Buobas U16:

1. Sina Conrad, Puntraschigna, 1.11.25; 2. Stephanie Jenal, Samignun, 1.13.00; 3. Vivian Derungs, Lai, 1.14.98; Plinavon: 6. Lea Oechslin, Sursaiusa, 1.16.56; 15. Dina Pally, Sedrun, 1.19.23; 17. Melanie Cavigelli, Sursaiusa, 1.19.69; 18. Noemi Caruso, Mundaun, 1.19.97; 19. Selina Tomaschett, Mustér, 1.20.15.

Buobas U14:

1. Fadri Janutin, Sursaiusa, 1.12.74; 2. Gian Luca Böhm, Puntraschigna, 1.15.51; 3. Yannic Lumpi, Samignun, 1.16.61; 4. Lars Caduff, Arena, 1.17.33; Plinavon: 7. Nils Halter, Mundaun, 1.18.04; 13. Nico Pally, Sedrun, 1.22.16; 14. Matia Coray, Ruschein, 1.23.13; 16. Andrin Veraguth, Arena, 1.23.70; 17. Yves Bürgin, Mundaun, 1.24.36.

Buobas U16:

1. Yannick Caduff, Falera, 1.07.89; 2. Lukas Zippert, Arosa, 1.11.07; 3. Carvalho André Castro, Puntraschigna, 1.11.16; Plinavon: 6. Tgasper Darms, Flond, 1.12.73; 8. Didier Troels Cadonau, Mundaun, 1.13.02; 13. Denis Spescha, Sursaiusa, 1.15.94; 15. Yanik Tschuur, Sursaiusa, 1.16.40; 19. Dario Janki, Sedrun, 1.18.03.

Buobas U16:

1. Sina Conrad, Puntraschigna, 1.13.43; 2. Talina Gantenbein, Scuol, 1.13.90; 3. Stephanie Jenal, Samignun, 1.1.69; Plinavon: 9. Lea Oechslin, Sursaiusa, 1.21.55; 15. Noemi Caruso, Mundaun, 1.24.07; 16. Melanie Cavigelli, Sursaiusa, 1.24.07; 17. Selina Tomaschett, Mustér, 1.24.56.

Buobas U14:

1. Fadri Janutin, Sursaiusa, 1.15.39; 2. Gian Luca Böhm, Puntraschigna, 1.17.71; 3. Yannic Lumpi, Samignun, 1.19.20; 4. Lars Casutt, Arena dallas Alps, 1.20.20; 5. Nils Halter, Mundaun, 1.20.88; Plinavon: 18. Matia Coray, Ruschein, 1.28.86; 20. Nico Pally, Sedrun, 1.29.09; 21. Damian Mirer, Sursaiusa, 1.30.17; 22. Yves Bürgin, Mundaun, 1.32.05.

1.32.05.

Buobas U16:

1. Yannick Caduff, Falera, 1.10.37; 2. Livio Simonet, Lai, 1.14.13; 3. Sébastien Fiol, S. Murezzi, 1.14.81; Plinavon: 5. Didier Troels Cadonau, Mundaun, 1.16.33; 10. Denis Spescha, Sursaiusa,

CUORSA LIUNGA

Severin Bonolini ei campiu svizzer

(anr/gv) Dils campiadis svizzers U16 ed U14 a Tavau ei la squadra sursilvana turnada cun ina medaglia d'aur ed ina da bronz. Per omisdus medaglias ha Severin Bonolini da Castrisch procurau. Ella cuorsa singula eis el daventaus tierz davos Maurus Lozza da Zuoz e Timo Keiser da Puntraschigna. Ella cuorsa da staffetta han quels treis

curriders procurau per la victoria grischuna avon ina secunda equipa formada dalla Uniun grischuna da skis. Top Ten ein las buobas Chiara Arpagaus da Sagogn (8) e Lena Kropf da Rabius (9) serangadas ella categoria U14. Ensemen cun Lea Meier da Tavau ein ellas curridas la staffetta ed ein turnadas el final sco otgavlas.

I cun la plema



■ (cp) Naven digl 1. da november 2013 entochen ils 31 da schaner 2014 ha il Center da formaziun Surselva giu scret ora ella vetrina dalla Repower a Glion ina concurrenza. Da cuort ei vegniu erui tgi che ha gudignau quella. Curdin Tuor, il meinafatschenta dil Center da formaziun Surselva, ha saviu gratular ils 4 da fevrer 2014 als ventireivels victurs. Gudignau han Gian-Marco Venzin, Trun (seniester) dus bigliets digl Open Air Lumnezia 2014 (sponsur Banca Cantonala Grischuna), Fabian Manetsch (dretg) Mustér in Galaxy Tab3 (sponsur surs it). Il premi principal ei ius a David van der Bas, Glion, in pass da skis dalla Surselva per la stagiun d'unviern 2014/15 (sponsur Pencilaras Breil-Vuorz-Andiast SA).

UBS quinta cun in augment solid da l'economia svizra

■ (rtr) L'UBS spetga in creschament solid da l'economia svizra per l'onn 2014. Ils economs da la banca curregian lur prognosa per l'augment dal product nazional brut da 2,0% sin 2,1%. Che l'iniziativa «Cunter l'immi-

graziun da massa» saja vegnida acceptada na midia nagut. Enfin ch'ins perscorschia consequenzas dals contingents vegnia quai anc a cuzzar in pau, ha ditg Daniel Kalt, il schefeconom da la banca gronda svizra.

Ina sera en tuns cotschens

Anna Cathomas e Madleina Kull han menau in auditori da carschi

■ (anr/abc) Pli baul, cu ei deva buca televisiun e radio, s'udevan las praulas tiel ressort dallas tattas e dils tats. Els devan vinavon da generaziun tier generaziun ils raquens dalla tradiziun orala. Ils pigns tedlavan e fagevan lur agens maletgs. Quei era aschia en tuttas culturas dil mund. Denton adina ha ei era dau praulas per carschi che fuvan tabu per affons. Vendergis sera han duas raquintadras presentau a Breil in miez tozel praulas eroticas.

Ella eri ina biala dunna giuvna che savevi exact tgei ch'ella levi. Da deschiert devi ella d'entellir dapertut e cun mintga caschun ch'ella maridi mai. Ella pendeve memia fetg vid sia mumma. Ils umens tenevi ella sin distanza. In bi giuven ei tuttina s'inamurau en ella. Aschi fetg ch'el ei setransformaus en ina flauta. E quella flauta – che saveva dil reminent tschintchar – ha la dunna tuttina buca saviu refusar. Ei seigi la pli biala flauta dil mund, schevi la mumma. Il desiderer ha schau embliard il propiast. En quella praula vegn tratg la suandonta conclusiun: Las dunnas che han aunc buc in um han semplamein aunc buc anflau la dretga flauta. Quella praula ha Anna Cathomas raquintau a moda libra, senza ma-

nuscret. Cun mimica, levass gesticulaziuns, articulaziun ed ambient adattau ha ella saviu tschaffar immediat siu auditori.

La dunna ella butteglia

En lur clavau, baghegiass ora sco stiva spaziusa cun grondas finiastras, han Anna e Maurus Cathomas envidau ad ina sera da praulas per carschi. Anna Cathomas e Madleina Kull han absolviu ina scolaziun pretensiusa sco raquintadras da praulas. Sco lavur da diplom eis ei stau lur pensum d'organisar ina tala sera publica. Ellas han fatg quei cun eleger in program curaschus. Praulas per carschi han connex culla tematica tabuisada dall'erotica, culs attributs dallas schlatteinas, cun desideris, queidas, pissiums, mo oravontut cull'amur denter um e dunna. Il local spazius era transformaus en ina specia da teater pign. Davontier las protagonistas e la musicanta Nika Bär. Lezza ha accumpignau la sera cun musica e tuns ch'ins auda buca schi savens tier nus. Alternond han las raquintadras presentau las praulas dall'Africa, dalla China, digl Orient e digl Israel. A moda libra, senza manuscret, ha Madleina Kull per exempel ra-

quintau dalla butteglia magica ella quala igl um frestg maridau zuppava sia dunna giuvna e biala. El veva gronda tema ch'ella vegni malfideivla duront ch'el seigi naven. D'in um vegl ha el retschiert la butteglia magica. Ed en quella conservava el sia dunna culla garanzia ch'ella seigi mo sia. Cu el turnava a casa sufflava el lev vid la butteglia e la dunna sorteva e steva a disposiziun. In gi duront ch'ella lavava resti al flum ha ella absolviu enta maun la butteglia. Dall'otra vart dil flum ha ella viu in bellezza um giuven. E tgei ha ella fatg? Sufflav vid la butteglia e... gia era quel ella butteglia. Cu il consort bandischava ella mintga gi en quella e predeva quella cun el haveva la dunna cumplignia e divertiment

Duront in'ura han Anna Cathomas e Madleina Kull raquintau praulas africanas, chinasas ed orientalas ch'ins ha aunc mai udiu tier nus. Ina ni l'otra persuna egl auditori ei forsa vegnida cotschna tedlond ellas. Amur e sensualitad ein numdadiu aunc oz tematicas tabuisadas. En autras culturas ei quei tut auter. Quella sera unica a Breil ha perinagada fatg donn a negin. Las duas diplomandas meretan in compliment per lur curascha d'organisar e porscher in tal eveniment public.

Dall'amur, digl um e dalla dunna: A moda libra, senza manuscret, cun mimica, articulaziun e gèsts, han Anna Cathomas e Madleina Kull raquintau praulas exotico-eroticas. Seniester la musicanta Nika Bär.

FOTO A. BEELI

